

etiam possit indulgentia, ut multi prætendunt virtute constitutionis Leonis X, quæ incipit *Exposuit*, sub die 25 Julii 1518, in qua prope finem habentur hæc verba: *Ac volumus, ut quoties dictarum festivitatum, et Octavarum earumdem celebrationes quilibet ex causa, etiam extra tempus transferrentur, etiam indulgentiæ dictas ecclesias in festivitibus hujusmodi, et per earum octavas visitantibus pro tempore concessæ ad tempus celebrationis hujusmodi sint, et censeantur translatae?* Et responsum fuit: *Translato festo unice quoad Officium, non transferatur indulgentia tali festo concessa, S. R. C. 16 Septembr. 1741, Panormit. in una ord. Min. Obsev. Ref. S. Francisci.*

1125. Decreta, quæ statuunt non esse transferendos ad annum sequentem sanctos illos, qui in fine anni supererunt, intelligenda sunt non solum de semiduplicibus, sed etiam de duplicibus, sive ab accidentali, sive a perpetuo occurrenti impedimento eorum celebratio fuerit impedita, S. R. C. 16 Sept. 1741, Panormit. in una ordin. Min. Obsev. Ref. S. Francisci. Ad annum sequentem: communem, non vero ecclesiasticum. Sed consideranda sunt tanquam simplicia, retento suo ritu, ut in num. 965 et 1311. A perpetuo occurrenti impedimento, ut est cum alia dies non remaneat pro sede fixa assignanda, sicuti pluries imperando in hac circumstantia statuit sac. cong. Vide num. 1190, et alios ibi notatos. Quid fieri debeat, si dies S. Silvestri occurrerit cum festo Dedicationis ecclesiæ? Vide num. 1194.

1126. Non est omittendus in fine cujusvis Horæ vers. *Fidelium animæ*, etc., quando post eam immediate dicitur Missa, sed servandus adamussim textus Rubricæ 30 Brev. Romani sub num. 5, S. R. C. 14 Apr. 1742, in *Thelesina*. Servandæ sunt rubricæ: versus nempe *Fidelium animæ*, etc., dicitur post *Benedicamus Domino*, et responso *Deo gratias*. Qui versus *Fidelium* non dicitur post *Benedicamus Domino* ad Primam ante *Pretiosa*, et ad Completorium ante versum *Benedicat*; Rub. Brev. hic cit.

1127. Ex vi aut lege cæremonialis episcoporum non prohibetur episcopo, ut propria utatur sede, qua desuper umbraculum, seu baldachinum dependeat, dum divinis assistit, vel per se ipsum peragit, SS. Sacramento super altari palam exposito; dummodo genuflexiones tunc præscriptas, debitasque reverentias adamussim observet, atque apertè capite in signum reverentiæ saltem assistat, *sacra R. cong. 9 Julii 1742, in Conimbricen.* Aperto capite: et conveniens esset, ut staret semper durante Officio, et nunquam sederet. Quod si ob longitudinem Officii præstare non poterit, non omitat saltem detecto capite existente SS. Sacramento divinis Officiis assistere. Similiter conveniens esset, ut non cappa tantum indutus, sed amictu, alba, cingulo, stola, et pluviali albi coloris interesset. *Cærem. episc. lib. II, cap. 55, num. 15 et 55.*

1128. *Il Vescovo di Veroli con ogni maggior ossequio rappresenta all' EE. VV. che celebrandosi il dì primo Maggio la festa della Dedicatione della cattedrale, da antico tempo fu fissato per la festa de' SS. apostoli Filippo, e Giacomo il dì 5 di detto mese. Ed essendo poi stato ordinato l'Officio di S. Pio V, credette il clero di detta città di dover trasportare detta festa de' SS. apostoli alli 11 dello stesso mese, e così pratica presentemente. E perche alle volte detta giornata dell' undeci cade in Domenica, supplica per cio l'EE. VV. a degnarsi di prescrivergli precisamente, se debba in avvenire far celebrare la festa de' SS. Filippo e Giacomo il giorno dei 5 di Maggio, secondo era lo stile; o pure seguitare a farla celebrare il dì undeci, quantunque sia Domenica. Che, etc.* S. R. C. respondit: De Officio SS. apostolorum fieri debet die quinta ipsis jam pridem assignata, etiam in occurso Dominicæ, et de altero de S. Pio

V. die xi, tanquam propria, eadem S. R. C. 9 Julii 1742, in *Verulana*. Tanquam propria: et fixa, et præsens decretum, licet particulare, habet a generalibus suum fundamentum. Vide num. seq. et 1178.

1129. Modernus episcopus Tergestinus S. R. C. humillime supplicavit, quatenus infrascriptum dubium declarare dignaretur, nempe: *Singulis annis in diocesi Tergestina die 19 Junii celebratur ritu duplici festum S. Nazarii P. et confes. ritu vero semiduplici festum S. Julianæ de Falconeriis, et festa SS. Achaii et soc. mart. Quaritur, inquam, an officium S. Julianæ de Falconeriis possit celebrari semper 25 Junii, et officium SS. Achaii, et soc. mart. die 20 Junii, quibus diebus aliunde deberet fieri Officium de ea, ita ut dies 20 et 25 sit tanquam propria eorumdem sanctorum, ad exclusionem alterius translati sancti, qui potest aliquando contingere, et sic de aliis, qui sunt omnes simul 48 quotlibet anno in præfata diocesi; et insuper an occurrentia similia officia duplicia in die Dominico possint celebrari tali die, ac si esset illorum propria?* Et responsum fuit affirmative in omnibus, S. R. C. 28 Julii 1742, in *Tergestina*. Vide num. ant.

1130. *D. Mattia eremita Camaldolense di Monte Corona al presente priore dell' eremo S. Maria degli Angeli di Nola in regno, oratore umilissimo dell' EE. VV. riverentermente espone, come in tutta la sua congregazione vi è l'abuso, che nella processione del Corpus Domini si porta il Venerabile dal celebrante col solo umerale, e senza altra assistenza de' ministri con indumenti sacri, che d'un solo chierico, che porta il turribulo, ed un altro, che sostiene l'ombrella appresso, lo che pare sia contro le Rubriche, e l'uso universale di S. Chiesa, ed anche di poca venerazione, decoro, e rispetto verso Gesù Sacramentato: che però supplica l' EE. VV. volersi compiacere d'istruire tanto l'Oratore, che tutta la detta sua congregazione, della maniera propria, colla quale si deve fare non solo detta processione del Corpus Domini, ma anche quelle del giovedì, e venerdì Santo, per potere in avvenire correggere gli abusi, ed errori in al presente commessi. Che etc.* Responsum fuit a S. R. C. Præcedet crux hastata a religioso cotta induto delata inter cæroferarios cotta pariter indutos: Sequuntur viri religiosi bini incedentes, qui in solemnitate Corporis Christi, monasterii cappis depositis, post communionem celebrantis, sument non in choro, sed in alio convenienti loco superpellicium, cereosque accensos gestant. In processionibus vero, quæ fiunt feria v in Cœna Domini, et feria vi in Parasceve, quia hæ intra Ecclesiam peraguntur, cum cappis monasticis procedent. Post digniores religiosos succedent duo thuriferarii itidem cum cottis, qui thuribula cum incenso fumigantia lente ducent ante celebrantem, facie, non dorso ad Sacramentum semiversa in incensu. Tandem adveniet celebrans pluviali ac velo humerali albo amictus, deferens Sacramentum inter ministros sacris vestibus, sed sine manipulo, indutos, fimbrias pluvialis hinc inde elevantes, qui alternatim una cum eodem celebrante psalmos submissa voce recitabunt. Supra celebrantem Sacramentum portantem deferatur omnino baldachinum quaternis saltem hastis instructum, quæ a totidem religiosi superpelliceo indutus in festo Corporis Christi eleventur. Feria autem sexta in Parasceve deferri poterit baldachinum a religiosi sine cotta: qua die celebrans non sumet pluviale, ministri autem celebrantis, cum non utantur planetis plicatis, tum solemnibus illius diei officio, tum processioni cum superpelliceo assistent. Cerei extinguuntur postquam reconditum fuerit Sacramentum, et feria sexta in Parasceve, postquam fuerit a celebrante consumptum, nec cessabit campanarum sonitus, ubi ab Ecclesia non prohibetur, nisi post sacram actionem absolutam. Quod si ad hujusmodi supplicationes convocentur confratres alicujus sedalium, li

sacco induti designari poterunt ad deferendum baldachinum, supplendo vices religiosorum alia munia obeuntium. In iis cœnobiis, seu religiosis familiaribus, in quibus parva monachorum manus sit, assistentes celebrantis poterunt incedere cum superpelliceo: sed nunquam fas sit, ut omittatur baldachinum, semper deferendum ut supra, sive a monachis, sive a confratribus, S. R. C. 15 Sept. 1742, in una ord. Erem. Mont. Coronæ. Vide num. 8.

1131. Si festum alicujus sancti erit tanquam patroni loci, electi a clero, populo etc. illius loci cum approbatione episcopi vigore constitutionis Urbani VIII, anno 1642, quæ incipit *Universa*, juxta decreta S. R. C., tunc festum prædicti sancti erit de præcepto observandum et celebrandum ab incolis totius loci, etiam a suburbanis, alias negative, S. R. C. 15 Sept. 1742, in *Tridentina*. Cum approbatione episcopi: mediante concilio generali civitatis vel loci, non autem ab officialibus solum. Vide n. 243 et 288.

1132. Si festum prædictum erit de patrono loci etc., Officium erit celebrandum sub ritu primæ classis cum octava ab omnibus sacerdotibus sæcularibus ejusdem. Si vero festum, etc., erit titularis illius tantum ecclesiæ parochialis, Officium celebrandum erit sub ritu primæ classis ab iis sacerdotibus tantum cum octava, qui addicti sint servitio ecclesiæ illius parochialis, et non ab aliis, S. R. C. 15 Sept. 1742, in *Tridentina*. Cum Octava, a Regularibus vero sub eodem ritu, sed sine Octava ex præcepto. Vide n. 552. Ecclesiæ parochialis: secus autem de cathedralis ecclesiæ titulo, Vide num. 1110: Sacerdotibus tantum cum Octava, qui addicti sunt servitio ecclesiæ, vel beneficio, etiam tenuissimo, vel simpliciter gaudeant. Vide n. 1174.

1133. Quando non constat, Officia, quæ recitantur in aliqua diocesi, a S. Sede Apostolica concessa esse, quæritur, an licite possint omnes dioceses de illis talia Officia habere, vel illa dioceses debeant cessare a tali recitatione? Et sac. cong. respondit: Serventur decreta edita super Officiorum recitatione. Qui autem particularia Officia recitare desiderant, instent pro illorum approbatione et concessione, S. R. C. 1 Dec. 1742, *Polonia in una ord. Carmel. Excalceat*, Serventur decreta edita, etc., quæ tollunt talium Officiorum recitationem post bullam S. Pii Papæ Quinti. Vide num. 216.

1134. Festa, quæ sunt ritus duplicis, non celebrantur sub alio ritu, quam ritu duplicis minoris, nisi constet de diversa concessione. Festa tamen secundaria Patronorum minus principalium, si celebrantur cum solemnitate, habent in se naturam duplicis majoris, et qualitatem duplicis minoris, si absque solemnitate peragantur. Symbolum autem in Missis recitandum non est, nisi in iis Ecclesiis, in quibus aut sacrum eorum corpus, aut insignes reliquiæ asservantur, S. R. C. 1 Dec. 1742, *Polonia in una ord. Carmel. Excal.* Insignes reliquiæ: quæ sint, Vide num. 215.

1135. Cum ex synodo provinciali regni Poloniæ anno 1628, die 22 Maii constitutum sit, ut festa aliqua a clero, et populo, cultu ac veneratione solemniter celebrantur, quænam ratione talis solemnitatis ritum habere debent? Quia aliquæ dioceses tribuunt ipsis duplicem majorem, aliæ duplicem minorem, tamen in occurso cum duplici minori dant illis integras utrasque Vesperas: proinde ob universitatem quinam illis ritus debetur? Et responsum fuit: Ad observandam uniformitatem instent in S. R. C. pro elevatione officiorum a ritu duplici minori ad duplicem majorem in festis a provinciali synodo regni Poloniæ designatis, et interim serventur rubricæ tam de occurrentia, quam de concurrentia festorum: quæ ex ritu Officii, non autem ex apparatu et concursu propriam et veram desumunt solemnitatem, S. R. C. 1 Dec. 1742, in una ord. Carmel.

*Excalceat*. Non ex apparatu et concursu propriam et veram desumunt solemnitatem: quoad ritum et dignitatem, at integræ vespere conceduntur ex rubrica xi, de concurrentia Officii n. 2, et fortius si festiva sint in populo de præcepto. Vide num. 522, 1140 et 1150. Festa vero a supradicta synodo statuta, sunt quæ sequuntur: S. Martini episcopi 11 Novembr.; S. Nicolai episcopi 6 Decembr., S. Annæ 26 Julii; S. Mariæ Magdalenæ 22 Julii; S. Agnetis V. M. 21 Januarii; S. Margaritæ V. M. 20 Julii; S. Catharinæ V. M. 25 Novembris; *Syn. Prov. Poloniæ sess. 3.*

1136. Cum in synodo provinciali constitutum sit, ut in Adventu singulis diebus celebraretur Missa primaria de beata Virgine, quæ vocatur *Rorate*, utrum in duplicibus possit dici Missa eadem privatum, et in Dominicis Adventus, ac in festis primæ, vel secundæ classis secundum institutum ejusdem synodi, utrum ut solemniter cum oratione unica, *Gloria*, et *Credo*, an vero cum orationibus Dominicæ, vel aliarum canenda sit, et præcipue in illis ecclesiis, ubi non est consuetudo cantandi duas, sed tantum unam Missam? Et responsum fuit, tum ad primam, tum ad secundam dubii hujus partem negative, S. R. C. 1 Decemb. 1742, *Polonia in una ord. Carmel. Excalceat*. In Adventu singulis diebus: an comprehendantur novem dies ante Natalem Domini, require n. 548.

1137. Cantata Missa solemniter de aliquo sancto, ut est de S. Joseph in Polonia, ob concursum populi et indulgentias, licet solemnitas et expositio SS. Sacramenti adesset, color paramentorum in Missis privatis, nullo habito respectu colorum adhibito in quavis Missa votiva solemniter, semper is esse debet, qui convenit Officio in illa die occurrenti, etiamsi violaceus, S. R. C. 1 Decemb. 1742, *Polonia in una ord. Carmel. Excalceat*. Et expositio Sacramenti adesset: in ipsomet altari. Vide n. 1255.

1138. An celsitudinis regalis eminentissimi Ludovici domini cardinalis, infantis Hispaniarum, Toletanæ et Hispanensis Ecclesiæ administratoris, ac possessoris, licet sacris destituti ordinibus, nomen in canone Missæ, Collectæ, et præconio sit exprimendum? Et responsum fuit affirmative, S. R. C. 19 Januar. 1743, in *Hispalen.* Administratoris ac possessoris: quid de administratore tantum, vel alio superiore. Vide num. 507.

1139. Cum sub die 22 Aprilis 1741, obtenta fuerit facultas pro servanda in posterum uniformitate in eremis sub dominio reipublicæ Venetiarum recitandi officium Patrocinii beatæ Mariæ Virginis pro die 14 Novembris, ut pote minime impedita ab alio officio, modo compertum est, illam diem fuisse jam assignatam ab hac sacra Rituum congregatione sancto Andræ de Avellino per decretum sub die xi Julii 1739 obtentum a congregatione Casinensi pro omnibus sub Regula S. Benedicti militantibus, ideoque dubitatum, an hoc non obstante, possit recitari prædictum Officium Patrocinii illa ipsa die 14. Et si non possit, supplicatur pro assignatione Dominicæ tertiæ Novembris. Responsum fuit: Possit recitari Officium Patrocinii B. M. V. die 14 Novemb. et remitti ad aliam diem non impeditam officium S. Andræ de Avellino, S. R. C. 19 Januar. 1743, in una ord. Erem. Camaldul. Montis Coronæ. Hoc decretum est generale. Vide num. 1085 et 1178.

1140. Cum apud Camaldulenses Montis Coronæ celebraretur 16 Novembris Officium SS. martyrum Joannis et Benedicti eremitarum dictæ Congregationis jam a S. Sede specialiter eis indultum sub ritu duplici secundæ classis, et cum die sequenti habeatur Officium S. Gertrudis virg. jam concessum post annos pariter sub ritu duplici secundæ classis pro omnibus sub Regula S. P. Benedicti militantibus; dubitatur, utrum stante rubrica tit. xi, num. 2, in fine de concurrentia, sit præponendum cum

secundis Vesperis integris Officium dictorum sanctorum martyrum, utpote celebrandum tantum in dicta congregatione Camaldulensi, Officio dictæ S. Gertrudis virginis, quod celebratur generaliter in tota religione Benedictina? et responsum fuit, esse præponendum cum secundis Vesperis integris Officium SS. Martyrum Officio S. Gertrudis, S. R. C. 19 Januar. 1745, in una cong. Camald. Montis Coronæ. Esse præponendum cum secundis Vesperis integris: ratione magnæ solemnitatis, ex Rub. Brev. cit. S. R. C. num. 522 et 1155.

1141. Festum principale S. Romualdi apud Camaldulenses est principale in die Dormitionis ejus in Domino 19 Junii, non vero Translationis sui corporis die 7 Februarii, et festum hoc Dormitionis tantum celebrandum est cum Octava, S. R. C. 19 Jan. 1745, in una ord. Erem. Montis Coronæ.

1142. Cum per rubricas, et decreta statutum sit, quod Quadragesimæ, Adventus, et Vigiliarum temporibus, necnon in diebus Rogationum occurrente aliquo festo duplici, vel semiduplici, celebretur Missa dictarum feriarum post Nonam, cum per constitutiones teneantur Camaldulenses Montis Coronæ celebrare Missam conventualem post Nonam in Quadragesima, et non sit consuetudo celebrandi post Nonam aliis temporibus, dubitatur, an prædicta Missa feriarum remitti possit ad aliud tempus, an potius relinquenda, cum non adsit aliqua obligatio apud illos eam celebrandi? Responsum fuit, observandum esse decretum diei 22 Januarii 1701, in quo prohibetur celebratio Missæ Vigiliarum etc., post Primam, sed servandas esse rubricas, in quibus præscribitur post Nonam, S. R. C. 19 Januar. 1745, in una cong. Camald. Montis Coronæ; Vide num. 740.

1143. Cum in ecclesiis Camaldulensium Montis Coronæ non adsit consuetudo celebrandi Missam post Nonam in feria quarta Cinerum, et cum rubrica ac decreta præcipiant benedictionem publicam sacrorum cinerum fieri debere post Nonam, dubitatur, an remitti possit ad aliud tempus, nempe post Tertiam, hæc benedictio, aliter post consuetudinem apud illos introducta? Responsum fuit, observandum esse decretum 22 Januarii 1701, in quo prohibitum fuit fieri cinerum benedictionem post Tertiam: sed servandas esse rubricas, in quibus præscribitur post Nonam, S. R. C. 19 Jan. 1745, in una cong. Camald. Montis Coronæ. Vide n. ant. et 740.

1144. Cum rubrica et decreta præcipiant Matutinum diei Commemorationis Omnium fidelium Defunctorum recitari debere post Laudes Officii currentis, et cum hæc ordinatio videatur pro monachis Camaldulensibus Montis Coronæ nimis onerosa, quippe qui ad duas horas per noctes semper protrahant consuetum Matutinum cum Laudibus, dubitatur, an prædictum Matutinum Defunctorum remitti possit ad summum mane ante Primam immediate, vel recitari permittatur in die festivitatis Omnium Sanctorum post Completorium, uti ex antiqua consuetudine moris est apud illos in similibus? Responsum fuit, observandum esse decretum 22 Januarii 1701, in quo præscribitur non posse recitari in choro Matutinum Defunctorum in die Omnium Sanctorum, sed servandæ sunt Rubricæ, S. R. C. 19 Jan. 1745, in una Camald. Montis Coronæ: Servandæ sunt rubricæ; scilicet post Laudes exclusis circumstantiis, de quibus vide num. 21, sed præcipue num. 1202.

1145. Pax danda est magistratibus sæcularibus solemniter assistentibus Missæ conventuali in ecclesiis tam Sæcularium, quam Regularium, sed cum instrumento ab eodem ministro, qui illam per osculum defert dignitatibus, et canonicis, cæterisque choro interessentibus, et non per diaconum, S. R. C. 23 Martii 1745 in Barchin. Vide num. 5, 10 et 84.

1146. An mazzerii, et virgarii magistratus sæcularis in processionibus Corporis Domini nostri Jesu Christi, et aliis, in quibus dictus magistratus assistit, et aliqui ex personis, quæ magistratum componunt, hastas baldachini deferunt, et reliqui magistratus cum suo capite episcopum subsequuntur, incidere debeant ante illos baldachinum deferentes, ita quod ante dictos mazzerios, et virgarios incendant sacerdotes faces, et insignia pontificalia portantes, seu potius illi incidere debeant ante dictos sacerdotes, aut extra lineam processionis alam facientes a lateribus illorum, vel post episcopum ante reliquum majorem numerum regitorum cum suo capite, in quibus potius corpus magistratus representatur? Et responsum fuit, mazzerios autem in processione Sanctissimi Corporis Christi incidere debere non ante, sed hinc inde propè baldachinum, S. R. C. 23 Mart. 1745, in Barchinonen. Vide num. 10 et 151.

1147. An subdiaconus, vel alius quicumque minister, qui inter Missarum solemnias, vel alio quovis casu petit benedictionem a prælato, pro incensu, seu aqua, possit, seu debeat invertere ordinem pontificalis rubricæ, qua jubetur, ut dicat: *Benedicite, reverendissime Pater*, et dicere *Brachara* tempore præsentis, *Benedicite, serenissime Pater*. Et responsum fuit: Servetur Cæremontiale episcoporum lib. 1, cap. 5, S. R. C. 11 Maii 1745, in Bracharen. Servetur Cæremontiale episcoporum: ubi habetur: *Ut cum acolythus, sive cæremontarius offert thuribulum cum prunis ardentibus sinistra, naviculam autem cum thure, et cochleari dextera, ad episcopum, aut celebrantem, illico adsit, vel primus presbyter assistens, vel si episcopus celebrans est apud altare, diaconus evangelii, et accipit de manu prædicti acolythi naviculam semiapertam, et cochlear in ea existens, cum osculo cochlearis, et manus episcopalis, offert eam episcopo dicens: Benedicite, Pater reverendissime. Episcopus vero, accepto cochleari, sunit cum eo ter ex navicula thus (qui purus esse debet, vel si aliqua addantur, advertatur, ut quantitas thuris longe superet) illudque cinem ter in thuribulum immittit dicens interim: Ab illo benedicaris, in cuius honore cremaberis. Quæ quidem benedictio, et verba omittuntur præsentis Sanctissimo Sacramento exposito, et thuribulum porrigitur absque osculis, similiter quando per cæremontarium, vel acolythum, ut in Missis vivorum, vel per subdiaconum, ut in Missis defunctorum, ponitur thus pro elevatione, Cærem. episc. lib. 1, cap. 25.*

1148. An illa antiphona: *Ecce sacerdos magnus*, quæ dici debet ex dispositione Pontificalis Romani in ingressu, et receptione prælatorum in suis civitatibus, debeat repeti toties, quoties iidem prælati ingrediuntur ecclesiam cathedrali ad actus pontificales peragendos? Et responsum fuit: Servetur consuetudo, S. R. C. 11 Maii 1745 in Bracharen. Ecce sacerdos magnus: quod vocatur Responsorium tono octavo modulandum, vel antiphona: *Sacerdos et pontifex, etc.* Si prælatus non esset episcopus, puta diaconus cardinalis, cantatur Responsorium tono septimo: *Fidelis namque, etc.* Et si essent duo vel plures, tono octavo canitur: *Vos estis cives, etc.* Pontif. Rom. jussu Benedicti Pape XIV, § 5. Ordo ad recipiendum prælatum, vel legatum.

1149. Festa beatæ Cunegundis, ac S. Stanislai Kostkæ, quibus pro regno Poloniæ, magno ducatu, adnexisque provinciis, Dominicam post 24 Julii, et 15 Novembris respective assignavit, non utique in sequentem Dominicam transferenda, sed ipsismet diebus 24 Julii, et 15 Nov. fore celebranda, quando ipsi dies in Dominica incidunt, S. R. C. 11 Maii 1745 in Polon. Vide num. 1128.

1150. Attenta dignitate personæ, licet æqualitas ritus sit inter festum S. Marci, et SS. apostolorum Philippi et Jacobi, et S. Joseph, Officium vero de

Patrocinio S. Joseph est recitandum, si cum prædictis solemnitatibus occurrat, S. R. C. 11 Maii 1745, in Senen. Vide num. seqq. 1087 et 1257.

1151. Occurrente Patrocinio S. Joseph cum S. Marco, et SS. apostolis Philippo et Jacobo, Vesperæ non sunt dimidiandæ, sed persolvendæ integræ de Patrocinio, attenta dignitate S. Joseph, S. R. C. 11 Maii 1745 in Senen. Vide num. ant. et seqq.

1152. Patrocinium S. Joseph non potest transferri ad aliam diem, quando non habet locum in Dominica tertia post Pascha, ut in Senensi, ob occurrentiam festi altioris ritus, vel dignitatis, sed pro eo anno omittitur ex novissimo hujus sac. cong. decreto in una Einsidlensi 5 Maii 1756, S. R. C. 11 Maii 1745, in eadem Senen.: Non potest transferri: quia non ex præcepto, sed ex concessione recitatur. Vide num. 989 et 1257.

1153. In oratione *A cunctis*, et suffragiis præponendus est S. Joseph apostolis Petro et Paulo, ut præscribitur in Litanis majoribus, S. R. C. 11 Maii 1745, in Senen.: Præponendus est sanctus Joseph apostolis: nomen quoque sancti Michaelis archangeli, quod quidem intelligi potest de omnibus angelis, ex hoc, aliisque S. R. C. decretis sub num. 522, et Rub. Miss. ante orationes.

1154. Primaria festa S. Joannis Baptistæ, et apostolorum Petri et Pauli, attentis rationibus per P. Merati sect. 3, cap. 10, num. 2, innixis decreto sacr. hujus Congregationis in Aquileien. 21 Augusti 1688, excludunt omnia alia festa in ipsis occurrentia, excepta solemnitate Corporis Christi, S. R. C. 11 Maii 1745, in Senen.: Primaria festa S. Joannis Baptistæ, et apostolorum Petri et Pauli: id est *Nativitas, et festum SS. Petri et Pauli excludunt quodcumque festum in iis occurrens, etiam primæ classis, qualia sunt festa Patroni principalis loci, seu ordinis, nec non titularis ecclesiæ, ac ejus dedicatio, ita ut nequeat fieri Officium de dicto festo, sed transferri, et respective mutari debeat in diem proximam non impeditam.* P. Cajetanus Maria Merati loc. cit. et S. R. C. n. 1175. Occurrente vero die sequenti titulo ecclesiæ, vel ejus dedicatione, Vesperæ quomodo sint celebrandæ, consule num. 610.

1155. Ubi S. Joannis Baptistæ festum, et ejusdem Decollationis memoria gaudet prærogativa patroni, vel titularis, in Missa est utique recitandum Symbolum, secus vero negative, nisi rursus adesset ejusdem sancti insignis reliquia, S. R. C. 11 Maii 1745, in Senen.: Nisi rursus adesset ejusdem sancti insignis reliquia, quæ sunt caput, brachium, etc. Vide num. 215. Ubi vero adest titulus capellæ, vel altaris, in Missa tantum solemniter dicatur Symbolum. Vide num. 412.

1156. Postquam a capitulo ecclesiæ cathedralis Scalensis in suo particulari Calendario assignata fuit dies decima Novembris Officio Dedicationis basilicæ Sanctissimi Salvatoris ob perpetuum impedimentum festi altioris ritus S. Theodori occurrentis die nona ejusdem mensis, ac subinde ex concessione apostolica tali diei assignatum Officium S. Andree Avellini pro Ecclesiâ universali: quapropter capitulum, et canonici præfatæ cathedralis S. R. C. demisse supplicarunt, an ipsi in prædicta die decima Novembris debeant recitare officium S. Andree Avellini, vel Dedicationis basilicæ Sanctissimi Salvatoris. Et responsum fuit: fieri Officium Dedicationis die decima ipsi jam pridem assignata, et ad aliam diem non impeditam transferri Officium S. Andree postea concessum, S. R. C. 11 Maii 1745, in eadem Scalensi: Jam pridem assignata: quia sedem propriam in assignatione acquisivit. Vide num. 1128 et 1178.

1157. Il guardiano, e religiosi Capuccini di Viacco nella provincia di Stiria, diocesi d'Aquileja,

espongono riverentemente all' E. E. V. V. come essendo nato un dubbio circa il giorno anniversario dell' Dedicatione della loro chiesa, stantechè il documento della consecrazione della medesima parla in questi termini: Consecravimus anno 1643, ipsa Dominica Quatuor Temporum post festum Exaltationis S. Crucis ecclesiam, etc., e dandosi alcuni anni, che fra l'Esaltazione di S. Croce, e le Quattro Tempora intermedia una Domenica: si domanda, se questa Domenica, che antecede le Quattro Tempora, o quella che immediatamente segue, debba considerarsi propriamente: ipsa Dominica Quatuor Temporum, nella quale si debba celebrare l'anniversario di essa consecrazione. Sac. cong. respondit: Dominicam Quatuor Temporum esse illam, quæ Sabbatum Quatuor Temporum immediate sequitur, non est prorsus ambigendum, S. R. C. 31 Aug. 1743, in Aquileien. in una Ord. Capuce.

1158. An Missæ pro enuntiatis diebus Officium de duplici, seu de solemnibus non admittentibus in Calendario, et Missali Ambrosiano præscribat ad altaria privilegiata celebrata, animabus in purgatorio existentibus perinde suffragentur, ac si celebrentur Missæ de *Requiem*? Responsum fuit affirmative, S. R. C. 31 Aug. 1743, in Mediolan.: Affirmative: ad normam Ecclesiæ Romanæ ex const. Clem. IX. Vide num. 475.

1159. An diebus, quibus juxta ritum Ecclesiæ Ambrosianæ prohibetur fieri de duplici, sive de solemnibus, prohibeantur etiam Missæ de *Requiem*. Et responsum fuit affirmative, S. R. C. 7 Decemb. 1743, in Mediolanen.: Juxta Ritum Ecclesiæ Ambrosianæ: et id faciendum in Romana. Vide num. seq. et 425.

1160. An Regulares debeant celebrare festa perpetuo translata in illis diebus in Calendario diocesis auctoritate Ordinarii assignatis, tanquam propriis, quando in illis diebus non occurrat festum sui ordinis. Responsum fuit affirmative, S. R. C. 7 Decemb. 1743, in Mediolanen.

1161. An festa perpetuo translata, etiamsi sint semiduplicita, transferri possent in dies infra Octavas non privilegiatas, in quibus fieri deberet de Octava, tanquam in dies proprias. Responsum fuit affirmative, S. R. C. 7 Decemb. 1743, in Mediolanen.: Infra Octavas non privilegiatas: quomodo etiam infra privilegiatas. Vide num. 1184 et 1196.

1162. In fixatione festorum attendi debet, quod præcipitur a rubrica x Breviarii Romani sub num. 7, de Translatione festorum, ut scilicet prius agatur de duplici, postea de semiduplici, et inter plura duplicia quod est magis solemne semper prius celebretur, sive ex ritu, sive ex dignitate majoritas illa solemnitatis proveniat; alioquin si sint omnino æqualia, unum ante aliud reponatur, et ordine quo erant celebranda in propriis diebus: eadem enim militat ratio in fixatione, quæ probaret in translatione, S. R. C. 7 Decemb. 1743, in Mediolanen.: Majoritas ista solemnitatis proveniat: sive etiam ex festis sanctorum, qui in propriis locis, vel ecclesiis solemniter celebrantur, aliis in Calendario descriptis, Rubr. Brev. xi de Concurrentia Officii num. 2. Vide num. 1017 et 1155.

1163. An post decretum 5 Decemb. 1680, abrogatum sit aliud decretum ejusdem S. Rit. cong., scilicet Officia sanctorum, quæ alicubi supersunt de mense Decembri, posse transferri in annum sequentem. Responsum fuit: Posterioribus hujus sacr. cong. decretis, quibus cautum est, ut sancti, qui in fine anni supersunt, non sint ad sequentem annum transferendi, abrogatum fuisse decretum 7 Decemb. 1680, ideoque comprehendendi sub illis etiam sanctos, qui mense Decembri occurrentes translati supersunt, affirmare non dubitaret, S. R. C. 7 Decemb. 1743, in Mediolan.: Ad sequentem annum: communem, id est, a Kalendis Januarii usque ad finem mensis Decembris. Vide num. 1511. Quo

ritu et methodo celebrari debeant. Vide num. 965.

1164. An sit validum votum emissum anno 1726, in civitate Thermitana ob liberationem a ruinis terræ motus: primo, celebrandi tria festa de præcepto, scilicet diem primam, secundam, et tertiam Septembris; secundo, jejunandi die præcedente prædicta festa; tertio, nunquam admittendi mulieres in scenis histrionum, et theatris. Responsum fuit: Votum sustineri quoad personas tantum, quæ illud emisissent, S. R. C. 1 Febr. 1744, in *Panormitana*. Hoc decretum est generale. Vide n. 290.

1165. Utrum in Sabbato Sancto pro collatione sacrorum ordinum, episcopus in suo domestico oratorio teneatur Missam cum prophetiis, ut in Missali, celebrare. Responsum fuit, Missam collationis, etc., incipiendam esse a prophetiis, S. R. C. 21 Martii 1744, in *Bergomen.*: A prophetiis: quæ omitti non debent etiam attentâ consuetudine immemorabili. Vide n. 1248 et 1509.

1166. In ordinum collatione diebus a jure statutis dicenda est semper Missa de feria occurrente, non de sancto in ea contingente, S. R. C. 21 Martii 1744, in *Bergomensi*. Vide num. ant. et num. 1075.

1167. Utrum in Dominicis primæ classis, et aliis diebus, in quibus absolute quæcunque alia festa etiam primæ classis excluduntur, licitum sit cantare Missam de *Requiem* præsentem cadavere. Et responsum fuit: Servetur decretum latum 5 Julii 1698, videlicet, in duplicibus primæ classis etiam præsentem cadavere non potest cantari Missa Defunctorum, S. R. C. 21 Martii 1744, in *Bergomensi*: In duplicibus primæ classis: intellige festiva, exceptis feriis secundis et tertiis Paschalis, et Pentecostes, S. R. C. n. 1102.

1168. Cum rubrica Missalis de *Introitu* num. 5 præscribat, quod incensata cruce, incensentur et reliquiæ, seu imagines sanctorum; queritur an imagines sanctorum debeant habere inclusas sanctorum reliquias juxta *Quarti, part. n, lib. iv de Introitu, et Merati, tom. I, part. II, tit. 4*. Responsum fuit: Non esse de necessitate in sculptis sanctorum imaginibus in altari dispositis sacras includere reliquias ad hoc, ut incensata cruce valeant illæ a celebrante thurificari, S. R. C. 21 Martii 1744, in *Bergomen.*: Incensentur et reliquiæ, seu imagines sanctorum: incensata cruce, et facta ei reverentia, antequam celebrans discedat a medio altaris, primum incensat eas, quæ a dextris sunt, id est a parte Evangelii prope crucem, bis ducens thuribulum, et iterum facta cruci reverentia, similiter incensat bis alias, quæ sunt a sinistris, hoc est a parte Epistolæ, *Cærem. epsc. lib. I, c. 25, n. 6*.

1169. Cum in Missali ultra primam in principio detur et altera rubrica in ordine et canone Missæ, et inter has videatur aliqua discrepantia, præcipue in inclinationibus, et manuum junctionibus; queritur quænam sequendæ. Responsum fuit, pari forma sequendas esse tum rubricas generales, tum particulares Missalis Romani, præcipue ad cæremoniales inclinationibus et manuum junctione rite peragendas, S. R. C. 21 Martii 1744, in *Bergomen.*

1170. Permitti posse, ut statua B. M. V. velo nigro circumdata in nocte feriæ quintæ in Cœna Domini cum Jesu Domino Filio mortuo in gremium deposito in ecclesia exponatur, et sequenti feria sexta in mane processionaliter cum pluvialibus nigris deferatur, S. R. C. 21 Martii 1744, in *Bergomen.*

1171. Serventur præscripta a Cæremionali episcoporum circa vestem violaceam, et ferulam gestandam, prout legitur *cap. 5*, et hujusmodi color, et ferule gestatio convenit solummodo cæremoniariis ecclesiæ cathedralis, S. R. C. 21 Martii 1744, in *Bergomen.* Vide n. 160.

1172. Capellani Monialium ordinis S. Benedicti, cæterique sacerdotes, tam sæculares quam regulares, ad earum ecclesias confluentes, Missam propriam S. Benedicti cum Missali monastico, non solum in die festi, sed per subsequentes dies alias non impeditas infra ejus Octavam celebrare possunt, ac debent, S. R. C. 21 Martii 1744, in *Patavina, Benedicto XIII antea permittente*.

1175. Cum sanctissimus Dominus noster Benedictus Papa XIV ad instantiam serenissimi Caroli utriusque Siciliae regis sub die decima Julii 1743, indulserit universo clero præfatorum regnorum, Officium, et Missam beati Camilli de Lellis sub ritu duplici ad libitum pro die 15 Julii; cumque eadem die occurrat Officium diei festi S. Henrici confessoris sub ritu semiduplici de præcepto: propterea clerus diocesis Barensis ad tollendam omnem hæsitacionem sacram Ritu congruente demisse supplicavit, quatenus benigne declarare dignaretur, quodnam ex duobus enuntiatis Officiis sit transferendum. Et sac. eadem congr. censuit rescribendum ad dominum secretarium cum Sanctissimo. Et facta de prædictis per me secretarium relatione, Sanctitas Sua decrevit, ut fiat Officium de S. Henrico confessore die 15 Julii, Officium vero beati Camilli non transferatur, sed omittatur, die 18 Apr. 1744 pro eadem Barensi: Sed omittatur: juxta regulam generalem latam in decreto sub num. 557. Semel et pro semper, poterat Ordinarius assignare aliam diem servatis omnibus, ut in n. 1215.

1174. Clerus alicujus terræ non tenetur recitare Officium, et octavam Dedicacionis ecclesiæ matricis, nisi fuerit ipsius ecclesiæ servitio, vel commoditati astrictus, aut in ea aliquod beneficium, vel tenue possideat, vel beneficium simplex, S. R. C. 16 Maii 1744, in *Auximana*. Vide n. seq., 11 et 950.

1175. An clerus alicujus terræ possit, vel debeat recitare Officium cum Missa tam in die, quam per Octavam Dedicacionis ecclesiæ matricis, et an sint excludendi sacerdotes alicujus congregationis, qui habeant onus recitandi divinum Officium more canonicorum in propria ecclesia, cujus Dedicatio occurrit, sub cujus cruce in processionibus, quæ fiunt infra annum, promiscue necedunt. Et responsum fuit, non indigere responsione, S. R. C. 16 Maii 1744, in *Auximana*: Non indigere responsione: satis enim loquitur per se decretum, et clamat teneri responsio antecedens, et illa sub n. 11 et 1209.

1176. Presbyteri congregationis Oratorii S. Philippi Neri Cortonæ exposuerunt, quod festum Dedicacionis eorum ecclesiæ jam aliquid quintæ Dominicæ post Pentecostem concurrat hoc anno 1744, cum Vesperis SS. apostolorum Petri et Pauli; propterea S. R. C. supplicarunt pro declaratione, quod ex hisce duobus festis sit præferendum. Responsum fuit: Faciendum esse totum de digniori cum commemoratione minus digni, scilicet totum de Dedicacione cum commemoratione SS. Apostolorum, idque servandum esse in præfatione Octavarum juxta rubricas generales, etiam occurrente in Dominica quinta post Pentecostem, S. R. C. 16 Maii 1744, in *una presbyt. Sæcul. Oratorii S. Philippi Neri*. Vide attentè generale decretum in Aquilensi emanatum univèrse servandum.

1177. Occurrente die octava S. Michaelis cum festo B. M. V. de Rosario, faciendum est Officium de Octava S. Michaelis, transferendo Officium et Missam Rosarii ad primam diem non impeditam, S. R. C. 20 Junii 1744, in *Albinganen.* Hoc decretum est generale. Vide n. 550.

1178. Prima dies proxime non impedita assignanda est cuilibet festo a sua die ob perpetuum impedimentum translata, ita ut dies illa impostorum sit tanquam dies propria, et fixa festi translatai justificatis tamen apud episcopum loci Ordina-

rium translatorum numero et causis, diurnumque assignandorum ordine ac qualitate, S. R. C. 22 Aug. 1744, in *Frisingen.*: Prima dies proxime non impedita, servata tamen lege secundum ritum, et dignitatem festi. Vide n. 1162 et 1196.

1179. Usus celebrandi quamplura festa sub ritu duplicis majoris ex eo quia sunt celebria in populo, ut est in Cracoviensi, sustineri non potest, S. R. C. 22 Aug. 1744, in eadem *Cracoviensi*. Vide n. seq. et 1100.

1180. Festa per annum duplicia, quæ solemniter celebrantur a choro, et in populo sunt de præcepto, in concurrentia cum æqualibus quoad ritum, et dignitatem possunt habere integras Vesperas ad sensum rubricæ xi *Brev. Rom. n. 1, S. R. C. 22 Aug. 1744, in Cracoviensi*. Vide n. 295: Possunt habere integras Vesperas: an vero mutandus sit ritus, consule n. 295 et 1097.

1181. Moniales Ordinaris locorum subjectæ non tenentur recitare Officia particularia diocesium; tenentur tamen recitare de Patrono principali loci, et de titulari ecclesiæ cathedralis, necnon de ejusdem ecclesiæ Dedicacione, non vero de eorumdem festorum Octavis, nisi id specialiter ipsis indultum sit ex vi concessionis apostolicæ, vel propriæ constitutionis ab Apostolica Sede approbatæ, S. R. C. 22 Aug. 1744, in *Januen. Monialium Ord. S. Clare*: De Patrono et titulari: sub ritu duplici primæ classis; de Dedicacione vero, secundæ classis. Vide n. 418 et 1110.

1182. Moniales ordinis S. Clare, ut petiitum fuit in Januensi a dictis Monialibus, novum Breviarium, et Kalendarium pro Patribus conventualibus editum possunt assumere, petita venia ab hac S. R. C. ead. S. R. C. 22 Aug. 1744, in *Januen.*

1183. An festum S. Joachim, si occurrat in Dominica in die Octavæ Assumptionis, celebrandum sit eadem die, vel potius ad aliam transferri. Responsum fuit, servari rubricam x Breviarii Romani de Translatione festorum, S. R. C. 22 Aug. 1744, in *Romana*: Servari rubricam: in qua dicitur: *Faciendum erit Officium de Octava Assumptionis, quia festum duplex majus, ut est S. Joachim, transferitur in primam diem non impeditam, et dies octava ce. it. locum duplicibus, tantum primæ et secundæ classis, Rubr. Brev. cit. et S. R. C. num. 550.*

1184. Non dedecet assignari festis etiam semiduplicibus, a propria die ob aliquod impedimentum perpetuo translatis, dies illos infra Octavam non privilegiam ab alio occurrenti festo non impeditos, qui dies habeantur et sint imposterum sedes fixa talium translatorum, S. R. C. 22 Aug. 1744, in *Cracoviensi*: Infra Octavas non privilegias: an infra privilegias et quo ritu, consule n. 1196.

1185. Cum aliquod festum jam translatum iterum moveri ex necessitate contigerit a die sibi semel assignata, non est opus, ut cætera alia festa post ipsum translata a diebus sibi respective assignatis denuo removeantur, nisi forte nova Kalendarii constructio ex integro assumeretur, S. R. C. 22 Aug. 1744, in *Cracoviensi*.

1186. Utrum Ecclesia particularis, quæ non potest facere de festo in die assignata tanquam propria pro tota diocesi, possit et debeat huic festo aliam diem eligere tanquam propriam. Responsum fuit affirmativè, cum approbatione tamen reverendissimi episcopi loci ordinarii circa electionem diei, S. R. C. 22 Aug. 1744, in *Cracoviensi*: Aliam diem eligere: primam proxime non impeditam, etiam infra octavas. Vide n. 1178 et 1184.

1187. Ab antiquo festum sanctorum Cosmæ et Damiani perpetuo a suo die translatum in Polonia appositum fuit pro prima die Octobris; postea festum S. Remigii concessum fuit semiduplex ad libitum. Nonne convenit assignare diem aliam istis sanctis, puta tertiam Octobris, ut possit fieri de S. Remigio? Et in hoc casu nonne satius esset, ut

in cathedrali propter occursum diei infra Octavam S. Wenceslai fieret die prima Octobris commemoratio tantum S. Remigii in Officio de infra Octavam, protrahendo illud SS. Cosmæ et Damiani ad diem tertiam, ne multiplicentur dies proprii respective ad particulares ecclesias? Responsum fuit: Festum SS. Cosmæ et Damiani jam alias a propria die perpetuo amotum celebrari deinceps poterit tam in cathedrali, quam in diocesi Cracoviensi die tertia Octobris, ut die prima agatur in diocesi de sancto Remigio ad libitum, de quo in cathedrali haberi poterit commemoratio tanquam de simplici in Officio de infra Octavam S. Wenceslai inibi tantum occurrente, S. R. C. 22 Aug. 1744, in *Cracoviensi*: Festa prædicta SS. Cosmæ et Damiani in Polonia, advente S. Remigio die prima Octobris: aut nondum erat assignata illis hæc dies secundum regulas sub n. 1076 positas, aut est particularè gratuitum juxta peita.

1188. Perpetuo transferri debet festum S. Annæ, quod celebre est in Polonia propter Octavam nuper concessam de beato Joanne de Dukla, supplicatur humillime, ut hoc festum fiat propria die cum commemoratione Octavæ etiam S. Vincentii a Paulo apud RR. sacerdotes cong. Missionis. Similiter contingit fieri de die Octava S. Stanislai Kostka 23 Novembris cum translatione S. Catharinæ, quæ colitur celebriter apud populum, eadem gratia postulatur, ut scilicet fiat de sancta cum commemoratione Octavæ. Responsum fuit, pro gratia quoad Officium festivum S. Annæ die 26 Julii cum commemoratione Octavæ tam beati Joannis de Dukla, quam S. Vincentii a Paulo pro RR. sacerdotibus congregationis Missionis insimul occurrentis. Quoad incidentiam vero diei Octavæ S. Stanislai cum festo S. Catharinæ, servetur rubrica de Translatione festorum, S. R. C. 22 Aug. 1744, in *Cracoviensi*: Quoad incidentiam vero diei Octavæ servetur rubrica: nempe fieri de die Octava, et S. Stanislao assignare aliam diem, *Rub. Brev. x, n. 2*.

1189. Tolerari potest Missa votiva cantata B. M. V. toto tempore Adventus, ut in Polonia, exceptis solemnioribus festivitatibus, dummodo cantetur sine Symbolo, etiamsi Missa occurrat illud exigat, et solum cum *Gloria in excelsis* in Sabbatis, et infra Octavam ejusdem B. V., non omisa tamen Missa conventuali, S. R. C. 22 Aug. 1744, in *Cracoviensi*: Tolerari potest missa votiva: et iterato firmavit sacra congreg. sub n. 1258: Sine Symbolo: excipie diem festum quemcumque beatæ Mariæ Virginis, et infra Octavas, quando de ea fiat Officium, necnon novem dies ante Nativitatem Domini, ubi adest consuetudo, vel concursus. *Rub. Miss. de Symbolo. Vide n. 548 et 1258.*

1190. In ecclesiis minoribus, ubi unica celebratur Missa, non potest omitti illa occurrentis festi de præcepto, ut cantetur votiva, S. R. C. 22 Aug. 1744, in *Cracoviensi*: Missa occurrentis festi: nisi defunctorum in die obitus. Vide n. 75, in anniversario tantum. Vide num. 756, et de Rogationibus. Vide n. 645.

1191. Exsequenda sunt omnino decreta 2 Decembris 1684, 15 Septembris 1691, et 19 Junii 1700, quibus vetitum est dicere *Credo* in Missis Patronorum minus principalium, etiamsi nunquam fuerint ad praxim deducta, et a Missalibus, ubi contrarium notatur, expungantur, S. R. C. 22 Aug. 1744, in *Cracoviensi*: In Missis Patronorum minus principalium: idem agendum in festis secundis Patroni principalis, et puta Translationis, etc. Vide n. 595, 1154 et 1155.

1192. Imagines beatorum pingi ornarique possunt laureolis, radiis et splendoribus; non autem diademate, juxta decretum sac. cong. 19 Februarii 1658, ab Alex. VII confirmatum: *Quod rursus a Benedicto XIV die 6 Septembris 1744, in causa canonizationis*